

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U TRAVNIKU
Broj: 51 0 St 220186 24 St
Travnik, 04.07.2024. godine

Općinski sud Travnik – stečajni sud, potupajući po stečajnom sudiji Živković Miralem, u stečajnom postupku nad imovinom stečajnog dužnika „**GSZ**“ d.o.o. **Gornji Vakuf – Uskoplje**, Dražev Dolac bb, nakon izvještajnog ročišta, donio je sljedeće;

R J E Š E N J E

- I. Zaključuje se stečajni postupak nad stečajnim dužnikom „GSZ“ d.o.o. Gornji Vakuf – Uskoplje, Dražev Dolac bb, zbog nedostatka stečajne mase.
- II. Ovo rješenje se ima objaviti u Sl. novinama F BiH i oglasnoj ploči suda.
- III. Po proteku dva radna dana od dana objave ovoga rješenja u Sl.novinama F BiH, isto se im dostaviti Općinskom sudu Travnik – Odjeljenje za regisar, radi brisanja stečajnog dužnika iz sudskog registra, te se ujedno i nalaže registru ovoga suda da izvrši brisanje stečajnog dužnika.

O b r a z l o ž e n j e

Dana 26.01.2024. godine ovlaštena osoba stečajnog dužnika je podnijela prijedlog za otvaranje stečajnog postupka nad imovinom stečajnog dužnika.

Sud je dana 09.02.2024. godine imenovao privremenog stečajnog upravnika u osobi Lužaić Siniša iz Sarajeva, Džemala Bijdića 37/9, Sarajevo. Privremeni stečajni upravitelj je dostavio nalaz sa prijedlogom da se stečajni postupak otvori, te da stečajni dužnik ne posjeduje imovinu.

Sud je svojim Rješenjem od 23.04.2024. godine otvorio stečajni postupak nad imovinom stečajnog dužnika, pozvao povjeritelje da prijave svoja potraživanja, te ispitno – izvještajno ročište zakazao za dan četvrtak, 04.07.2024. godine sa početkom u 10,00 sati.

Nakon otvaranja stečajnog postuka svoja potraživanja su prijavili Porezna uprava Federacije, Porezna ispostava Novi Travnik u visini od 26.669,22 KM.

Na ispitnom i izvještajnom ročištu nije pristupio povjeritelj koji je prijavio svoja potraživanja, dok je na ročište pristupio stečajni upravitelj. Na ispitnom ročištu stečajni povjeritelj je istakao da je pristigla 1 prijava, i to: Porezna uprava Federacije, Porezna ispostava Novi Travnik u visini od 26.669,22 KM, koja prijava se u cijelosti priznaje, koja je svrstana u viši isplatni red.

Na izvještajnom ročištu stečajni upravitelj je istakao da ostaje kod pismenog izvještaja, te napominje da stečajni dužnik ne obavlja poslovnu djelatnost više godina, nema imovine, nema uposlenih, te da iznos koji je predumljen može biti dovoljan da se podmire do sada nastali troškovi ovog stečajnog postupka, sa prijedlogom da se stečajni postupak zaključi a sve sukladno čl. 196. Zakona o stečaju.

Nakon ponovne analize nastale situacije, sud je odlučio kao u izreci rješenja iz sljedećih razloga;

Naime, stečajni upravitelj je u svom izvještaju kao i na održanom ročištu istakao da stečajni dužnik nema imovine osim uplaćenog predujma koji je dovoljan da se pokriju troškovi koji su nastali do sada, a vezani su za ovaj stečajni postupak.

Na ročište nije pristupio povjeritelj te da bi netko odlučio da nastavi stečajni postupak treba da se predujmi 6.000,00 KM. S obzirom da postoji nesporno utvrđena činjenica da stečajni dužnik ne posjeduje imovinu, sudu je nelogično da netko i predujmi 6.000,00 KM radi daljnjeg vođenja ovog stečajnog postupka jer bi se na taj način stvorili još veći troškovi, ali bez da bi se moglo povratiti a posebno naplatiti prijavljeno potraživanje.

Kako dakle po čl. 196. Zakona o stečaju više nije moguće voditi postupak bez stvaranja novih troškova (naknada od stečajnog upravnika, te ostali materijalni troškovi od otvaranja računa do njegovog zatvaranja i sl.) ili namirenje već postojećih troškova kao i troškova stečajne mase, sud je odlučio kao u izreci rješenja.

P O U K A:

Protiv ovog rješenja stečajni povjerilac i stečajni dužnik mogu izjaviti žalbu

Kantonalnom sudu Novi Travnik u roku od 8 dana od dana prijema rješenja.

STEČAJNI SUDIJA

Miralem Živković, s.r.